

4

T 3150/0374.82

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUN 28 1939

詩

家溪山居 五言古

我本山中人十年墮紅塵歸來魏青山青山解迎人十
里如相望五里如相親乃知山德厚不以俗駕喚請請
桑麻原熙熙雞犬鄰落落冠裳古悠悠言話直思所
遊地置埃塞城闕終焉吾有約為龍山之神

憶巢父

明李谷邑令

幽壑映晴巒溪水揚新秋言昔有異人而此寄幽獨放
情凌漢霄浮雲等黃屋濯足清冷澗長笑響山谷為憐
都俞頌出心友麋鹿聲飛大地間誰能爾芳躅

咏席師

憶昔陶唐時光岳氣完好生此華封儔結寓山之窈女
眠松石雲朝歌義黃道胡為擊壤歌薄言馮懷抱壘壘

哈佛大學漢和
圖書館珍藏印

元張著

景勝
大
書
印

太古風降世誰同調獨
憐荒塚頭離離半秋草

張留侯

曉彼韓公子奮起從高皇氣象固儒匹伊呂同輝光今
古稱人傑明哲真非常失策來商隱躡足封齊王功成
身勇退健羨良弓藏下
馬拜高墓古樹明夕陽

張蒙溪

門楹文照明村墟高林木蒙溪解組歸曾此易風俗衣
冠不隨時禮樂教兒讀豈直開門問里閭仍修睦遺風
尚凜然後學多私淑
古拂殘碑獻秋真醜

張永吉

明明太平南山川遠流映公寔間氣鍾草木亦榮幸有
筆大如椽信史煩刪定幾歲放三十年陰陶多士正操持

冰霜清氣泚金石勁幾
度仰高風式木起深敬

牛叅政

累累數塚青亭亭一碑古殘刻紀芳馨樵牧知光祖英
英間世才疇能踵遐武寵遇冠時流符佩三珠虎吁嗟
敗壘邊野花自開吐因
感雍門言悵望原頭土

東閣晨望

國朝 崔瀛 邑人

晨起望東山旭日散林木深壑靈風响得爽豁幽獨凭
立虛閣上擬構雲間屋記曾披道書凌空飛仙樂從此
遠塵氛崖
畔留鶴宿

襄陵行

七言古

元王樞 翰林

暮春庚辰日維丙駕言出遊事耕省西郊微雨半晴陰
幾點殘雲露山頂馬蹄踏破落紅香飛蓋追隨垂柳影

晉人熟食三月節店舍無烟竈厨冷春到襄陵滿縣花
綠陰池館總姚家清樽遠酌會心賞不與鶯燕爭春華
画輪歸輶故堤沙金店西頭酒更嘉舉杯爲憶劉漢亭
雲龍風虎何紛拏僞洲東開蓄峻址青衣行酒直驚麕
牽帷一笑雨寂寞野老指點官臺窪萋萋悲碧荒城曲
依舊溪流帶北斜

送丁廷玉分教之襄陵

明薛瑄侍郎

太行之山何崔巍鐵崖翠壁萬仞中天開其勢北來吾
不知其幾萬里但見橫亘遼瀋包括秦晉斗起中原之
地何壯哉往年吾嘗陟其頂四顧山如培塿樹如苔黃
河一線遙遙下砥石奔流直到東海不復迴此時英風
浩然洒六合便欲歷覽天上金銀臺其中羊腸九折走
峻坂摧輪怪石礮礮磊落而成堆太行之高且險也如
此子今遠行令人興難裁倘到昔所登覽最高處爲我
歌此一曲還徘徊西望襄陵迢迢抵幾驛驅車徑須往
渡清汾隈願子居易思險慎厥
守始終永保令譽慰我相思懷

襄陵分司題壁

司馬聖御

嗟予素有林泉癖每向林泉情不已昔日窮居求志時
結茆直向蘭亭裏蘭亭裏面山最深茂林修竹團蒼陰
清泉遙向半空瀉雲霧往往生衣襟我時坐卧萬山頂
心懷直與山俱靜一丸竅趣頗熟拈三代文章會深省
自從擢第向查坡回首林泉情幾何紅塵馬前一千尺
終日碌碌相奔波幽情雅趣固無改却憶故山猿鶴在
舊學荒蕪日益深宦途宛轉直成海今朝持節出三邊
觀此清幽心豁然定應神物故相劇移却蘭亭來我前
陰森竹樹相蒙密隱約亭蘭竹深出寒泉統屋流白雲
古木回簷礙紅日池蓮後時雖半枯風致未減知章湖
綠蒲紫荇相映帶秉燭夜看疑畫圖朗吟還向亭中坐
點點流螢拂衣過秋聲瑟瑟檻邊來木葉蕭蕭燭前墮
分明如在蘭亭中一腔澄徹萬慮空今朝曉起不忍去
相見林梢霞彩紅

和前

顧福部郎

素懷山水欲成癖奔走泥途猶未已東風使節駐襄陵
光景分明如畫裏石苔窄徑宛轉深交加綠竹敷棠陰
空青濕翠左右落冥其深沾我征袍襟我身疑作蓬壺頂
白雲隔斷紅塵靜清風輕向兩腋生佇立無言心自省
幽亭正倚西城坡登臨如此良辰何好鳥嚶嚶新出谷
錦鱗荇底翻晴波蒼松期我節勿改老去留得清名在
奕紅李白能好看一夕掃地愁如海呼童洗硯臨水邊
詩成倚劍心茫然丹崖翠壁重疊見恍若屏幃當吾前
四圍花柳更茂密池分一派龍泉出清兮可以濯冠纓
盤桓不願留終日太行東望淚欲枯故山直在吾西湖
安得長風驀地起高搏送我南翻圖拂衣瀟灑起復坐
階下流光隙駒過陰雲忽向檻外生霎時雨脚簾前墮
阻我官程雖熱中蒼生被澤非成空羣陰一讓太陽出
五雲分彩祥光紅

遊娥英泉

范晟

幽泉噴薄蛟龍吼萬斛珠璣牽奔走波心隊隊錦鱗跳
鸞遊釣絲千尺柳等閑採賞須回首尚憶仙娥環佩在

泉水涓涓如說舊

蛻菴歲晏遣懷

五言律
三首

張翥

小小新齋閣溫溫舊牀幾精神全藉酒助力半支藤蟄
牙深坯戶冥鴻巧避霜紫頭袖被底何異在家僧
世路正如棘吾生猶繫匏詩人歌蟋蟀軍士歎蠨蛸魚
地營家食何心解客嘲山林徒在眼難覓一枝巢
書舍如僧舍心閒與靜宜寫多髡兔穎藏久蚬貂皮宦
蹟年勞見生涯日歷知未應同與俊肯負沃洲期

西花園

明邢讓
邑人

別墅連城曲幽棲絕點塵雲山常在眼簪紱若為親籬
外饒君子床頭足聖人無邊風景好來往不嫌頻

寄邢祭酒先生

吳文舉

師道尊天下才名重翰林詩書陶士術霖雨濟時心楊
柳風吹面梧桐月滿襟何年資講益重聽杏壇琴

省耕十詠

李咨

燕村蔬圃

花村遇雨後，緩轡試閑行。
隔葉鶯交轉，穿籬菜亂生。
青稍存嫩濕，紅樹款新晴。
欲與園丁語，恐爲林外驚。

賈朱麥浪

漠漠平蕪地，依依燕麥荒。
翠添新霽雨，浪起晚來風。
天澤元魚異，息波迥不同。
安能連萬頃，頓使歲時豐。

繫灘鏡天

誰滙繫灘水，澗澗小鏡天。
遠涵晴日影，倒蘸碧峯顛。
一脈潛通處，齊民灌溉田。
分明清徹底，端不是貪泉。

印池曉月

可丈方池小，漣漪一掬清。
寒光疑太液，曙色薄昆明。
眼底底江湖，闕夢中春艸。
生黃金離肘，印曉月照斯名。

福洞晴春

徑入宋村洞，風光不世同。
鳥啼千樹碧，花笑滿山紅。
鐘響清蒼外，人行圖畫中。
溪流仍泛泛，疑與武陵通。

市鎮曉集

風晴山市早，雲合四民連。
紅杏墻頭出，青旗柳外懸。
魚鹽交易退，貨利有無遷。
自我能平價，誰人不受廛。

東柴烟柳

城市南頭柳，晴烟一抹輕。
依稀元亮隱，想像亞夫營。
曠鳥如遮護，離人惜送迎。
章臺非此是，莫起等閒情。

西梁雲稼

晴樹萬西梁，如雲萬頃黃。
黍垂秋色重，風襲豆花香。
牧笛青山外，人家綠水傍。
扶歸田叟醉，桑柘倚斜陽。

鄧橋野色

登眺鄧橋上，條然野思長。一痕春水綠，萬點曉山蒼。夾路花饒笑，連天草正芳。昔賢遺愛在，斯土倍生光。

花塢紅香

暖風十里路，杳杏色爭姝。點綴千機錦，粧鋪一畫圖。香醪蝴蝶夢，紅滿密蜂鬚。未許塵埃近，相看隔水區。

謁邢先生墓

范晟

拜謁先生墓，苔封有道碑。九京人去遠，半夜鶴來遲。雨濕梨花慘，風號宰木悲。英靈如可見，夕陽滿空祠。

臺中卽事

劉應熊 御史

蘭署開幽徑，叢筠暗曉霜。碧流縈檻合，翠蓋入簾香。湘浦空搖落，武陵亦杳茫。何如城市裏，有此白雲鄉。

臺中賦竹 二首

黃洪毗 御史

臘月襄陵館，持杯對此君。高枝斜帶雨，密葉細藏雲。淇澳原同調，湘江不染痕。夜深風影亂，雲霧動龍紋。

衆芳搖落後，獨愛歲寒枝。勁節憐誰共，虛心只自持。傳龍化處聲，憶鳳來時相。對江南景，州羅起夢思。

宴襄陵公署有感 二首

周斯盛 刺史

出指曾遊日，於今十五年。猶餘溪溼竹，似減半池蓮。地有論文士，人非用世賢。碧筒還可折，拚醉曲欄前。臺榭水中央，微風過雨涼。坐宜三伏暑，酣任百花香。曲沼迴龍舸，新蒲薦羽觴。聞君歌楚調，疑是泛瀟湘。

過襄陵會杜定吾明府

李騰鵬

聞道襄陵好，今來勝所傳。中山千日酒，華嶽一池蓮。鼓腹民如古，鳴琴令是僊。此君能愛客，清影舞窓前。

襄陵臺中叢竹

熊廻

叢竹當軒列，天然翠作屏。風清金若奏，雲繞鳳疑停。不染三湘色，空傳上土醒。歲寒堅節操，獨伴太微星。

藐姑射 二首

翟師偃

共說神人宅，相將一再攀。龍吟出洞底，仙洞翠微間。登嶂三千丈，平泉十二灣。登臨興不淺，側耳聽潺湲。郭外招提隱，林中載酒看。涼風來近岫，急水下平灘。石古千年總，林深六月寒。浮生忘去住，落日尚盤桓。

謁龍澗幸神祠

程師偃

幽壑隱孤峯，千秋廟貌崇。世傳龍澗澤，人誦藥王功。鳥道青天外，蟬聲綠樹中。登高暫作賦，脈脈領薰風。

題巽植並序

國朝 丁宏誨

馮翊敦菴張公宰襄陽，一載公之兄登賢書。邑人為樹幟，久之標端萌。生人以爲異，忽值寇氛逼。城公於城，倭列頸危，而復甦。意謂其爲公兆，欬嗣是樹枝。蔚蔚蔚，邑人愛而護之。卜公後必昌，大爰賦短章，用紀厥事。

生意婆娑盡春

風吹又開，真際兩擬，爾伴幹自成材。蔽

帝留遺愛恰因

老大才，豈意佳氣統，疑是倚雲裁。

遊龍鬪峪

謝國傑 邑令

高閣諸天近，懸崖一線通。雨來青嶂外，身入翠微中。石怪疑蹲虎，松虬若卧龍。登臨今日事，把酒挹仙風。

龍祠和友韻

陳欲達

大源集萬壑，今古逸亭秋。氣噴生雲服，漸鳴出雨秋。泛槎欣載酒，臨渚喜鷗留。倩作山陰勝，歸從李杜遊。

中夏遊龍祠

郭永豐

姑射之芳洲，風清夏亦秋。石泉疊迸出，溝水遍分流。魚戲如魚水，龍藏疑混鯁。冷然豪濮意，我不異莊周。

春日遊龍澗峪

喬汝爲

携友尋山徑，兒童春半肩。莠花紅霧裏，柳色碧溪邊。坐石嘗村酒，行歌過水田。松風吹未歇，策蹇入蒼烟。

村居初秋雨過得爽

崔瀛

村居多古色野雨足微涼
濕鳥爭林噪歌荷待月粧
池開萍藻影風約水泉香
共客懷新爽清吟對素觴

宿東山朝陽洞僧舍 二首

徐之駿

層山橫積翠歌馬遠投林
寶界懸崖古禪棲探穴深
晚風消夙暑初月下輕陰
坐聽疎鐘發塵囂何處侵
未愜投山意聊觀卓錫綠
野花香有色澗水淨魚烟
聽鳥高松外尋碑積蘚邊
老僧堪一話此會更何年

送襄陵令李君 七言律

宋 歐陽修 學士

綠髮襄陵新長官面顏雖老渥如丹
折腰聊為五斗屈把酒猶能一笑歡
紅棗林繁欣歲熟紫檀香軟禦春寒
民淳政簡居多樂無苦思歸欲掛冠

奉寄張蛻菴承旨

元 釋來復

東觀蓬萊紫翠間五雲飛繞佩珊珊
宮中夜賜金蓮炬天上晨趨玉笋班
老去乞身思故里開來隨意宿禪關

蒼花溪水春如酒
何日誅茅傍碧灣

按察分司壁題

明 蕭 啓 都御史

地位森嚴竹木幽亭池四面引清流
晝長風動荷香細夜靜波搖月影浮
闌檻生涼消客慮軒窓穿綠逼人眸
巡行何必分南北此處原來勝舊遊

和前

趙 歌 按察使

可愛霜臺景物奇喬林茂樹綠參差
森森翠竹遮荒徑隱隱寒泉入小池
風動荷香魚出躍月明露冷鶴歸遲
倚闌獨立心如水清意無邊祇自知

和前

顧 福

景出汾江第一奇小亭西倚堞參差
雲出澗壑山懸幕水遠簾櫳地湧池
碧藻靜涵春雨潤畫闌斜隱夕陽遲

歌臺舞榭成泥土
此段清風搃不知

和前

黃 著 御史

形勝河東此最奇
蓬壺仙島若堪差
春風花氣薰苔徑
夜雨泉聲漱石池
碧樹團陰侵几潤
白雲拖影上闌遲
天機幻出無邊趣
曠有幽懷野鶴知

和前

李 咨

誰製西園一段奇
尋常景物少堪差
蒼松偃月龍蟠窟
翠竹臨流鳳浴池
地面南偏春意早
墻頭高礙雨聲遲
公餘幾度頻來往
見此清修若故知

題清風亭

趙 敬

菱荷池畔跨橋亭
花木爰加簇畫屏
鶴避茶烟棲古樹
魚吞硯墨動浮萍
水連天去無邊白
竹遶堤來不斷青

公便駐驄須飽玩
重遊焉肯厭勞形

和前

顧 福

十丈塵中見此亭
古苔怪石倚雲屏
春風生意滿階艸
世路功名一葉萍
秋水遶池浮鴨綠
遠山逼漢擁螺青
幽然自得乾坤趣
豈是尋常月露形

和前

黃 著

絲雲堆裏聳孤亭
當面湖山擁畫屏
落葉鳥驚風偃樹
晴波魚躍浪翻萍
雨添香艸沿階碧
烟鎖修篁夾岸青
暫却紅塵於此憇
支願相對竟忘形

宣聖廟釋奠

李 咨

五夜庭燎薄上蒼
黌宮諸子藹跼跼
禮遵彝典犧牲備
神假丹誠俎豆光
芹藻尚霑洙泗澤
詩書猶帶杏壇香

斯文自是應珍重
萬古綱常賴素王

同前

范 晟

盛世尊崇祀素王
泮池日暖藻芹香
禮行三獻尊周典
樂奏咸和應魯堂
濟濟衣冠聯玉佩
輝輝燈火雜烟光
中天奎壁星華燦
瑞協文明萬載昌

晉橋梅月

李 咨

漫傳梅月開時奇
三載依稀入夢思
圓處每憑冰鑑影
開時常藉雪霜姿
謫仙把酒應曾問
和靖當年亦未知
惆悵風光今寂寂
一竿青旆畫橋西

同前

索 睿 教諭

幾迴閑賞晉橋邊
梅月相傳不計年
每愛冰霜添綽約
尤宜午夜對輝煌
娟娟調羹有待何時實
折桂曾看幾度圓

更喜飛塵魚半點
清癯風味出天然

同前

范 晟

柳在橋頭月在天
一枝低亞映嬋娟
梅期月兔知開謝
月約梅花伴飲圓
何處暗香消息遠
誰家殘照景光偏
於今冷落掃花趣
不見逋仙與謫仙

三燈雲峯

李 咨

嶸嶸山頂更是山
嵯峨直入碧霄間
華池北去連平水
如射南來接故關
翠嶂着烟濃又淡
白雲拖影去仍還
幾迴畫靜鳴琴後
閑擬西山作畫看

卧龍靈應

范 晟

崇山西嶠龍祠肇
自隋唐全盛時
岩石樓靈常電
珠林聽講有僧知
雲生潭影藏蛟窟
風透鐘聲吼巖波

歲旱為霖興變化
光封今日頓雍熙

湖山烟雨

索 睿

山色湖光帶鏡開
行臺佳致勝蓬萊
數峯削玉天邊見
一水通池地底來
柳蘸綠波魚散去
烟迷青嶂鳥飛迴
公餘時向高亭飲
磨有荷香到酒杯

汾流晚渡

李 咨

東郭東頭汾水濱
波流紫處是通津
櫓聲欸乃驚紅蓼
漁火熒煌照白蘋
待渡馬嘶楊柳岸
扶歸人醉梨花春
堪憐畫艇夢兒大
能濟凍西南北人

同前

索 睿

襄陵城郭枕汾流
落日行人宜渡頭
疎柳遙連關外市
澄波倒沒岸邊樓
僧聲嘔吐射陽晚
漁笛淒清遠浦秋

南去北來無限客
濟川獨賴一扁舟

同前

范 晟

長流滾滾鴨頭新
路隔東西據要津
紅蓼綴灘霞散錦
白蘋觸岸浪翻銀
夕陽林杪催行急
水鳥沙頭喚渡頻
閑聽棹歌聲欸乃
滄浪一曲濯纓塵

巢溪春漲

李 咨

殘雪初消北岸晴
巢溪曉漲擬橋平
驅牛事已湮陳蹟
洗耳人猶擅舊名
艸色遙連春漾漾
柳條低拂綠盈盈
誰知一綫清風遠
千載桐江釣子陵

同前

索 睿

泛泛春溪漾碧漪
當年巢父此棲遲
荒祠遺像今猶在
清節高風世共推
柳帶和風青裊裊
岸痕新漲綠差差

我來欲把塵纓濯
却恐仙靈亦見疑

同前

范晟

洗耳曾聞耻飲牛
問人消息屬巢由
三交雲液堯花淺
百尺烟光柳帶柔
高樹鳥啼猶識姓
古祠鹿過亦回頭
春風北岸添新漲
一脈清清依舊流

飛虹雨霽

李咨

迤邐長橋擬蟠螭
往來人在畫圖中
夕陽半落橫清澗
宿雨初收揀碧空
題柱固難司馬氏
乘輿已陋鄭人功
何須驅石到東海
天下車書正會同

同前

索睿

長橋跨澗勢穹窿
雨霽雲衢卧彩虹
華表遙看殘照裏
雕闌斜倚半天中
雄關舊地山河險
密邇秦關客旅通

我紅塵經過者
誰能不仰濟川功

同前

范晟

公輸巧構枕高寒
雨過虹飛壓澗干
鳥向日邊翻霽色
人從空裏倚晴闌
銀河漫說津曾問
烏鵲空傳羽未乾
獨有昇仙題柱客
歸來車馬自長安

龜山晴雪

李咨

雪霽東山渾似畫
幾迴徙倚畫闌看
犬牙排至三峯冷
龜甲凝銀數點寒
瑞氣鬱蔥塵世杳
晴光燦爛海天寬
小樓添得魚邊趣
多少瓊瑤落筆端

同前

范晟

岩峩一帶擬龜形
雪甲嶙峋投地靈
喚岫幾層排玉戟
斷崖十里聳銀屏
林間野鶴閑清夢
欄下寒梅散遠馨

紅日曉從天外出
分開數點雪中青

雲亭環翠

索 睿

侵曉池頭宿雨收
翠雲晴護小亭幽
交加淇水千竿玉
彷彿蕭湘一片秋
座上好風來面面
吟邊清興自悠悠
宦遊獨有霜臺客
佳句琅然任唱酬

平水拖藍

李 咨

溪上巉岩列畫屏
溪間流水玉呼聲
堯封溝澮猶天造
禹蹟山川仰地平
豐稔秋成重踈林
過雨晚涼輕
何如萬派皆澄徹
唯有源頭一瀨清

洞前

索 睿

源泉混混出雲根
絡石穿林絕點塵
十里翠鋪湘簾靜
一灣綠染綺羅新
荒烟野渡隋堤景
芳艸古洲洛浦春

荆溪幾家臨水住
於浮猶是古堯民

退菴別業

邢 讓

卜築西垣最可人
青山為屋水為鄰
身將隱矣交何用
人不知之味更真
自古交游少同志
到頭聲利不關身
清泉便可如澆酒
澆盡胸中累劫塵

省耕宿精迦寺

李 咨

青崖絕處古招提
棟宇猶傳至正時
仆草漸碑苔蝕字
摩空老樹鶴巢枝
蒲團寂寂僧歸步
竹院蕭蕭月上遲
一夜虛堂清不寐
滿懷民瘼有誰知

九月始射山登高

李 咨

三年山右逢重九
每度佳辰興未休
綠醕似隣遊宦客
黃花猶戀少年頭
風流自許追元亮
知遇誰能繼馬周

登眺有懷歸晚
滿林紅葉不勝秋

承恩寺集古

刑訓 卷八

門外春橋漾碧波
馬休庸 萬家烟火夕陽多
趙子昂 青
山盡是朱旂統
玉摩詰 寶地曾經翠輦過
陸天錫 上國
幾年倍賜履
張仲舉 海門何處問魚叢
王熙 論心得住
慈雲閣 趙學士 頰及昌時養太和
范德机

清音亭

雷復

棟莠相輝覽勝遊
傳驂偏愛水亭幽
林花紅落三春雨
地藻涼生六月秋
遠岫淡烟浮卷画
斷橋流水雜歌謳
太平樂事直難遇
試問瀛洲有此不

遊姑射山

黃克纘

平泉西下白雲天
流盡韶華不計年
餘瀝已膏唐地外
悲聲故落晉宮前
濯纓清對人如玉
剌佩香傳澗有蒼

更想歌風汾水曲
中流直欲泛樓船

姑射龍神祠

黃洪毗

仙人姑射御神龍
噴出寒泉晝夜同
殊勝中濡誇絕品
平分二邑誦元功
雷聲遠聽渾疑雨
雲氣長嘘不待風
古廟斷碑深樹裏
莫將伏臘負村翁

趙曲懷古

李元齡

搔首浮雲晉地深
名山一望負登臨
秋風似帶韓王氣
白日疑懸趙朔心
墟里人烟汾水渺
樓頭星象太行陰
我來懷古情無極
滄澹斜暉起暮砧

望曉樓成秋日登臨

陳勗 邑令

重上層樓御遠風
雲連齊晉度飛鴻
喜瞻灑氣文星爛
慶洽蒼霄湛露豐
東臨汾瀆疑銀漢
西列姑射嶂碧空

興來把酒歌明月
遙接清光萬里同

登鍾汾樓

翟師偃

直上高樓思渺茫
擬憑黃鶴任翱翔
眼空禹服三千國
笑掃秦關百二長
劃地風雷壯異此
彌天日月照河陽
當年虞夏淳風在
翹首令人憶帝鄉

暮春登東山

翟師有

星巒矗兀俯千畦
春服遊人逐馬蹏
爆爆金爐香霧礪
芄芄紫陌柳烟迷
蒼蒼翁老袖禪魚
障肥碩高標仙有梯
我亦欲來尋侶伴
山靈肯許下招攜

視離重遊賦懷

國朝 胡秉忠

擒呂筮仕幾更秋
今日巡臨亦舊遊
騎竹兒童連紫陌
攀緣艾老盡須頭
花封泥比古遺愛
柱史依然昔牧侯

曹浣征塵剛信宿

吟懷聊寄署中留

異植

序見五言律

郭永豐

高標特立莞生枝
掩映孤忠歲復孳
錯節蟠根形岌業
吸精飲溼勢參差
千春紀歲應同遠
八桂成林未足奇
最是當年深惠愛
依依垂陰繫人思

同題

吳世爵

陰陰樹影滿河陽
悴後榮生更有芳
續命瓊田聞異艸
返魂姑射見靈香
惠風秀發萊公相
麗日光浮召伯棠
已卜留傳千載下
蒼髯擁戴應同長

同題

趙昌運

獨立昂然倚碧霄
不因多難遽凋心
堅地闕喬松質
血濺南樓湘竹標
盈野春風琴瑟談
談凌空皎影鶴脩脩

論功誰是持平者
大樹無言各自照

同題

喬運閔

旌標底事忽生繁
貞幹由來世所存
百里安絃猶徧野
十年嘉樹已蟠根
綽兮陶柳清風滿
滌矣劬膏惠日溫
節義於今終不泯
兒童歌舞自晨昏

同題

趙鴻運

惠聲自昔推分陝
不謂甘棠此樹同
已向憇時早見德
却從剝後更標忠
清光密覆平泉上
瑞色長留姑射中
為祝軾熊臨責日
瞻依道左拜仁風

咏異植和趙叔漸韻

崔瀛

曾開古樾色龍葱
繁發旌干翠蓋同
原向蟾宮分異種
堪依楓階表孤忠
過飛雨露千家重
正接雲霞一望中

遂憶當年詎裁植

只今葉葉舞春風

凌雲塔告成

謝國傑

浮圖巖嶠枕河流
佳氣蒼茫射斗牛
影入波濤龍欲舞
勢分霄漢鳳來遊
窅窅虛日麗千山
碧簷角風清六月秋
願得朱題同雁塔
樵川姓氏共悠悠

前題

吳世爵

層圖矗起飲汾流
橫鎖如杠上下浮
四面山光環翠壁
一灣水滌隱青螺
憑高上薄天
樞近擷秀深涵地
孤悠從此文章傳
相筆千年淑氣載神州

前題

喬運閔

亭亭層構倚雲端
四野烟光眼底看
儼若天關撐玉柱
疑同仙掌擎金盤
晴嵐拱揖震為幃
平水滌洞錦作闌

此日身登千尺上
紫微近傍聽鳴鳶

前題

張元聲

巍建削成歲月勤
屹然一柱應星文
盤回面面通佳氣
剗剗層層拂喬雲
滿襟爽花烟裏見
夾堤楊柳水中分
運斤獨藉神君力
卓矣清風木可倫

前題

趙鴻運

凌空寶構勢嵯峨
壁立汾干瑞氣多
萬壑烟雲象外出
千層濤浪眼中過
團團華蓋承仙露
匝匝簷鈴雜佩珂
自此近天特尺五
非關靈鷲禮維摩

前題

喬運闖

塔影臨流插碧空
經營幾度策花駟
仰瞻奎宿窻窻近
俯聽濤聲戶戶通
地氣龍旋標玉圃
人文鵠起列珠宮

高頭多少題名字
誰不咏歌茂宰功

前題

席嘉賓

增勢巍峩汾水東
登臨身在碧虛中
雲間鶴影翩躚下
望裏蟾宮咫尺通
揮筆文章連斗象
舒懷衣袖滿天風
當年王粲豪吟處
河似層層倚太空

前題

王升秀

扶翠遙遙接碧空
盡然亭峙鬱蔥龍
山光盡日明朱檻
水勢因風動寶鈴
飛鳥翱翔時上下
落霞明滅乍青紅
洞開八面交星紫
欲步雲衢此卽通

雨罷晚渡汾河

崔瀛

雨過殘虹射怒波
船頭猶掛雨時簑
行人喚渡舵聲急
飛鳥依城暮色多
烟樹紛紛迷籠碧
艸雲山遙望點青螺

長風破浪都開事
且卧中流發棹歌

按察廳中銀杏

郭永豐

壽昔誰敷惠澤深頓令勿剪到於今都將珍品待文杏
贏得芳名喚白金挺翠獨當花滿縣生幽全軼桂成林
無由可把清貧瘿
擲爾盈筐慰我心

題晉橋通閣

郭永豐

扶梁復觀舊堯牙想像梅花共月斜一帶雲山簇屋舍
數行烟柳茂桑麻農人雨驟無煩笠役客日曛好駐車
不似六橋歌舞地
相將詩酒競繁華

晉橋通閣成

趙鴻運

噴載經營此日成霓虹一縷入山城人遵帝道行來爽
水自仙源流出清岸柳將疎樓市接郭田欲斷塢烟生

濟川有志丹楹在
常與梅花伴月明

晉橋梅月

徐之駿

畫橋雄峙接岩城屏霍門前古道橫牧笛遠過芳草滑
酒帘斜颺綠波明千秋梅月仙留影三晉雲山客計程
溪水東流無限好
長安北望不勝情

三磴雲峰

萬文樹
人宜興

西南尤羨是林巒謝屐初過得大觀漸入雲霞人不見
已無冰雪畫長寒方從狼尾三盤上更列龍腰九曲看
此地由來有直宅
青泥應可當晨餐

卧龍靈應

侯文燦
人無錫

探奇歷歷徧堯封喜到崇山最上峰古廟宿雲千仞栢
晴郊飛雨六朝龍結茅豈有隆中隱叩石時來記下踪

野鳥似將靈勝處
啾啾詳說與遊筇

汾流晚渡

侯文耀 魚錫

靜渠山足古汾源
流向秦皇駐蹕村
返照樓臺花映水
落霞城郭柳侵門
踈疎橋影經春
卧舫艦篙聲入夏
喧山簡正來携酒
處小鮮剛喜上漁
綸

巢溪春漲

徐之駿

石隱祠宜矮屋檐
檐前流水正漸漸
猶憶兩耳紅塵在
更遣三春碧浪添
北岸蘼蕪淹軟翠
東風揚柳蘸香尖
魚心却愛村童牧
清濁相忘飲不嫌

飛虹雨霽

萬樹

莓苔拂讀古碑豐
為記興梁利涉功
遠嗚爭流鳴宿雨
深林高靄跨晴虹
樓懸星斗雙崖峻
路入燕秦萬里通

呼應提攜人不絕
夕陽芳草畫圖中

龜山晴雪

侯文燦

石紋如織草茵香
雪後還宜早旭光
古樹綴花成庾嶺
亂烟浮石作崑岡
棋枰錯落諸村映
衣帶迴環一水長
試倚危闌看曉色
白龜疑出預且囊

平水拖藍

徐之駿

藐姑神境曳平坡
仙液鍾靈孕碧波
龍卵一祠探穴古
蜂房諸洞瀟沅多
從汾入海三千里
分邑滋田十二河
蓼嶼鳧汀堪載酒
嘈嘈鳴瀑和清歌

龍澗雙闕

萬樹

甌甓深入傍山椒
忽見仙居出絳霄
陡嶂劈分成貝闕
危崖飛接巨銀橋
空中樓閣清陰迥
物外烟霞俗慮消

紅袖青衫相映好
花郎祠下馬嘶驕

十里荷香

侯文耀

南陌香塵一徑斜
薰風楊柳壓堤沙
越羅平統千畦水
蜀錦橫鋪十里花
遊女踏歌分皓月
歸人鳴騎出丹霞
幾將湖上屯田曲
吟向沿村賣酒家

莫春遊龍池卽席分韻得泉字

萬樹

平山石齒吐平泉
龍子祠前碧可憐
一勺遠浮十里浪
雙流分潤兩河田
聲隨琴調經堂下
清入茶香到枕邊
爽岸落紅迎客騎
此中直有藐姑仙

分韻得流字

徐之駿

古署槐根枕碧流
時將清籟入層樓
西來壺口重巖孕
東下汾河萬里浮
謾說登臨宜仗屨
喜分膏澤爲田疇

盤輿過處聞鳴珮
疑是春風帝女遊

分韻得溪字

侯文燦

泉聲百折向城西
直下堯民洗耳溪
古洞尋源叩蛟蜃
危橋飛瀑散鳧鷖
一川蒲芷香浮石
四野桑麻翠繞畦
白墮緩傾歸欲暮
喜從花下聽銅鞮

飲鎮汾閣

萬樹

城俯汾河帶水長
城邊高閣倚河梁
西來爽氣迎姑射
東去晴霞捲太行
行出浦浮魚花正落
隔畦飛雉麥初黃
使君饒有登臨興
爲愛農歌起夕陽

和陽羨萬紅友韻

徐之駿

層樓望曉日舒長
南浦雲生入畫梁
花柳山川相掩映
桑麻村郭更聯行
寒帷問俗風猶素
載酒登高月又黃

聽唱江南竹枝曲
頓令歸思到東陽

和前

侯文燦

吏隱能兼雅興長
鄒枚賓從魏遊梁
日斜麥隴鳥犍隊
雨歇蘆洲白鷺行
民俗懽乘春色麗
客程愁見晚塵黃
仲宣更自懷京國
望眼隨風過岳陽

和前

趙良王 教諭

凌虛攬勝意何長
宴比橫汾句栢梁
官况但須看逝水
民風還試望周行
亭臺幾處垂楊碧
烟火千家落日黃
不上斯樓一凭眺
那知春色在河陽

和前

鄭王牧 訓導

三載堯封惠澤長
公餘登陟望津梁
濤聲近接知龍濟
嵐勢廻翔似鴈行
樹繞劉州城下綠
雲歸許褚堡前黃

政成薰阜宜行樂
豈但風流說孟陽

重建屏霍樓

喬運閣

危閣凌空俯眎壕
凭欄遥仰北辰高
姑山夕照霞堪畫
汾水掉歌聲作濤
馳望雅談三古事
登臨雄弔二陵豪
偉功此日誰成者
太史彤廷奏鳳毛

村居

五言絕句

張 著

危橋入孤村
老木倚絕壁
幽鳥啼一聲
萬象動寒碧

山禽

邢 讓

芳樹豈不愛
懷彼金丸懼
何如此幽林
閒來又閒去

雜咏書分司壁

二首

沈 鍾

我別池亭去重來閱二年頭顱真老矣風景只依然
茲軒偶登臨湖山一覽達人更大觀乾坤落雙眼

過襄陵懷徐令萬之 張四教

我過襄陵道感君去後思藐姑蒼蘚處誰復為題詩

過三交水吟泉邊鳥 張鉞

泉琴發幽響立鳥如解音遊屐亂其聽飛逐野雲深

過山居 六言 李咨

一聲西聲雞犬十里五里人烟矮屋低垂綠樹斷牆斜
補青山

襄陵城北溪坐 七言絕句 宋張宇

楊柳陰陰水氣涼椒花秋款野風香地僻愈覺似
如信擒昌化日長

龍澗峪天橋 元趙孟頫

天門高處兩仙橋縹緲白雲手可招坐飲漸醺毛骨爽
翩翩鶴下羽脩條

清音亭 張昌

四面嵐霏簇綺筵雙渠流水響涓涓清音亭上春魚際
且放滄浪入管絃

過晉橋 張鷟 御史

記得當年賣酒家壁間明月照梅花於今氓滅魚消息
獨有長橋對落霞

丹朱泉 張鷟

太阿拔處即隨流一脈源源不斷頭孰謂丹朱非聖子
至今遺惠在田疇

坐清風亭口號

魏東山 都御史

密竹春深掩碧流 風光渾似楚湘秋 獨憐過此亭中客 不是偷閒汗漫遊

題大尖山

李濬 太平令

雨過東山翠欲流 平陽雄鎮幾千秋 亭山遠近知多少 仰止誰能出一頭

和前

李咨

一帶各山下 枕流懸崖峭壁倚 清秋東南遠眺高 魚際雖有青天在上頭

襄陵行春

李咨

只恐殘紅落亂紛 長吟驚破睡鴛魂 春光何處堪留目 花柳紛紛岸上村

龜山謁留侯墓

孫仁

隱隱龜山最上頭 佳城云是漢留侯 當時輔佐興王業 帷幄從容任運籌

伯道古居

李輅

零落村墟伯道居 高名千載晉尙書 依稀遺愛橋邊柳 却訝當時繫子初

天直觀銀杏

邢訓

實白如銀滿樹香 亭亭植向老君堂 仙家只說蟠桃好 難及珍名占果王

春日遊巢溪

范晟

巢溪春暖等閒過 鱣鯉晴翻洗耳波 漫想驅牛人去遠 岸頭荒艸野花多

題襄陵分司

韓邦奇

三首

尙書

汾水春深落晚霞 沿堤十里盡堯花 西船簫鼓遊人醉 漫說風流是杜家

薰風綠沼碧荷香
玳筵歌兒舞袖長
一醉襄陵傾百盞
不知風景是平陽
姑射泉邊萬竹稠
清風樓外四山秋
重陽醉後歸來晚
黃菊紛紛插滿頭

題留耕亭卷二首

邢讓

方寸良田遺後人
仁耕義耨可終身
不須歲歲占風雨
管取豐登過四鄰
白王黃金謾作堆
他年徒為子孫危
遺安有道春常在
惟有襄陽老父知

謁巢由祠

何思都御史

千年洗耳今還在
草木淒涼萬古悲
指點清風何處是
雞鳴山下對殘暉

謁龍祠

王諤御史

姑射山下亭子幽
百泉滾滾捻澄秋
不須急向河汾去
聞說前頭是濁流

登鎮汾閣

曾舜漁御史

巍巍傑閣倚晴空
壁立汾干地勢雄
登臨若對南樓月
千頃汪洋碧落中

別我咏

國朝喬克仁
我眉

皇恩特許返家鄉
拜別三峩檢舊裝
莫訝寒官無一物
山山水水滿奚囊

過晉橋訪梅月酒樓

崔瀛

仙客當年貫酒家
月明疑照舊梅花
橋邊問有誰重醉
只見青帘影半斜

題晉橋

喬運閔

接城幾武石橋拖
一道長虹跨碧波
樓市疑從海上見
輪蹄宛在畫中過

題凌雲塔

陳欲遠

彩筆文涵紫氣浮幾層高擬逼雲流亭亭王立詩中画
不羨元龍百尺樓

新增詩

藐姑射山 五言古 六首

毛 達 司李

日出霍峰頭彩雲蟠其下光暉映城隅藐姑相照射恍
惚見仙人王顏殊瀟灑醉倚白鹿肩縱橫同騎馬
十載訪丹邱夢魂殊勞瘁不意藐姑山相呼入坐懸仙
人逐日來微言授天吏無妨筆如刀但寫活人字
姑山臨汾河綿疊數百里其間水雪姿居處無定止倏
見山之陽相招隔秋水心容永潔清願言余與爾
寒陵有平泉出自姑射麓幽房結其巔疑即雲霞屋美
人從中來芬芳散林木呼我臨清流携手照心曲
姑射產群芳琪花及瑤草仙家棄如蒿何必費尋討世
人事服食安保顏色好笑示不死方教余却醜老
或言汾西縣舊有藐姑里土人邈難求至今遺銅屐著
之如輕綿可以涉雲冰延佇待雙鳧朝暮常徒倚

青殿角蔓草沒階庭飛閣疑無地丹崖別有天虬形蒼
猶古鶴髮老僧顛登陟諸緣盡逃虛爰學禪

聖壽寺龍爪槐 七言律

澹圃徐亮 山陰人

古樹何名說是槐虬枝盤曲覆蒼苔可能奮臂擎風雨
且欲擎拳闢竹梅華蓋當庭真色相架梁拂眼認靈臺
鼎龍未定先舒爪
佇聽春風動地雷

庚辰暮春同朱子範二尹高幹臣廣文春郊勸農

惲東生 邑令

政拙山城念省耕敢辭櫛沐戴星行沾塗自是田家苦
供億何煩小吏迎但使三時無曠業從教半縮有餘榮
朕蹄斗酒非餘願
願慰窮簷望歲情

和

高尚志 廣文

清齋首宿代躬耕得伴仙鳥取次行待補兒童籬外望
荷鋤野老馬前迎惠風吹處鶯花繞好雨時草木榮
設道使君饒逸興
謂關疾苦本關情

嫺皇泉三次步禱甘霖輒降皆帶雨而歸敬占一律

以誌 神麻

趙懋本

為民步禱出城東齋潔身心謁上官屢籲惟求誅旱魃
頻邀垂鑒遣靈霽雲從石起曾經煉雨向泉生自不窮
感德那知歸路滑
但聞野老說年豐

壬子入夏苦旱予於閏月二十三日步禱之後因公

赴和歸至中途遇雨如注誠大快事也口占一律

誌喜

今日因公赴郡城歸來載得雨如傾陰雲匝野溪聲急
汾渡沙岸平愁病頓除歡大士民相慶
與中不覺衣巾濕
喜聽班鳩逐婦鳴

閏月廿三得雨之後廿五夜又雨民方憂旱連得甘

霖靜聽之下喜而不寐因作聽雨一律坐以待旦

前日與中聽雨聲今宵夢裏更分明瀟瀟響溢簷流急
滴滴音隨夜柝清入耳便生涼滿席成渠遮莫滄苔盈
披襟坐待晨鐘後
先向郊原課耨耕

平泉亭讌飲 皆暮春三月

失名

平泉百尺出山窩直統清音亭上過席地綠茵凝宿雨
參天奇樹映清波笙歌咽處間雲靜盃尊浮來逸興多

追憶蘭亭脩禊事
臨流幾欲醉婆娑
清音亭上月凭欄萬壑千巖一縱觀幾曲溪流聲瀝瀝
一泓碧浪響漫漫平泉直向山根出可樹疑從月窟看
况是春濃花艷日
飛觴莫吝酒盃寬

地震後歸里入邑城有感

崔維藩

遼鶴歸來一境空
滄桑變易話東風
廬依瓦礫人烟少
路夾蓬蒿野徑通
燕雀何從尋舊壘
魚鱗處處說新豐
不堪聚首憶前跡
如錦襄城似夢中

詠鎮汾樓呈惲明府

張大聲

百尺高樓嘆壯觀
凭高四望海天寬
蛟龍隱約浮欄出
星月光茫倚檻看
萬樹柳烟籠画壁
千竿荷蓋映雕闌
物閒心靜渾無事
好整琴絃閣上彈

和趙明府聽雨韻

盧秉純

夜窻聞打綠蕉聲
笑拂衣香坐到明
簷上溜來琴可譜
庭前吹處鶴偏清
稼穡雲影茫茫滿
簞想波紋細細盈
曉起更煩靈雨駕
柳陰泊棗勸深耕

同前

雨濕譙樓咽鼓聲
琴堂人聽最分明
詩中雲漢愁如洗
夢裏華胥境亦清
柳帶定拖朱檻遠
荷珠擬跳錦塘盈
自憐廿載甘龍卧
未有南陽地可耕

晉橋梅月

大抵仙人半酒徒
醉中閑探藥葫蘆
傾來月影花千朵
幻出天香水一區
奕世尚酬風味好
片言莫笑土人愚
墨猪只合身糟粕
縱有金丹飽得魚

平水拖藍

石齒泉甘土盡肥龍池沐濺樹林飛尋來碧落為藍本
滴出青山是翠微水鳥一拳明雪彩酒旗十里颺春暉
蕭公堤上從容望
九曲真如玉帶圍

龍澗雙關

石凹隱隱帶龍腥望處西南列画屏曉日映為雙關紫
春山插入一囊青刀圭不盡雲霞氣亭毒仍流草木形
券在爐中知也未
陀即祠宇至今靈

卧龍靈應

知在仙經幾洞天神龍長此抱珠眠
懸陰翠染深深月
石竇香流細細泉東野書迴雲欲動南陽人去夢相牽
乘時却為蒼生起
簫鼓聲高報有年

三澄雲嶺

石級層層到碧空飄然襟袖灑然風
霏微烟雨三天上
傲睨河山一氣中絕澄懸來雲影
斷古碑卧處土花融
携謝眺驚人句
呼吸真堪帝座通

飛虹雨霽

橋名奇幻竟如斯四字源流杜牧之
雁齒排成空外色
鼉梁駕入画
中詩神斤兔斧高懸處海水天風下聽時
虛步都能歸實際
公殿妙幾人知

汾流晚渡

草平沙軟路西東舟子招招去不窮
極浦攤開雲葉碧
夕陽蹴起浪花紅
暮成画本荆關似望若仙人李郭同
我是天涯倦游者
鳥鳥高唱酒旗風

十里荷香

荷葉田田露氣清
花開不讓錦官城
朝霞艷射平畦影
宿水香流古店名
杖履幾逢周茂叔
歌詞猶憶柳耆卿
輪蹄十里薰風路
齊向湖天鏡裏行

巢溪春漲

堯花溪水散春郊
舊有堯民所住巢
帝語偶飛塵一點
野心同鎖水三交
上流飲後清牛口
密葉藏來穩樹梢
不似終南開捷徑
此中佳處有誰嘲

龜山晴雪

望遠山疑九肋形
年華歷久見精神
靈煥開雲氣生虛白
點入天光失太青
陰壑常寒冰玉座
夜窺地窟照珠宮
道人鉄脚梅花口
幾度吞來醉不醒

卧龍覽勝

張曾

一覽衆山心自空
高峰撐出碧虛中
人驚虎伏千巖秀
路狀蛇盤萬壑通
雲氣長嘘能致雨
澗聲遠聽自生風
含青積翠遙疑画
峭壁晚巖看卧龍

賦得月明露冷鶴歸遲

應季考

盧敬丹

雅興天開放鶴亭
翩翩疎影下秋屏
繪衣早入三公府
流響偏高九子鈴
明遠有情吟作賦
浮邱善相著為經
鷄群終寓昂霄意
不比尋常月露形

龍鬪峪

張郊

傳聞龍鬪幾千秋
入峪曾無碧水流
入慕三皇惟見嶺
兵連五季不知愁
雲飛古洞層層幻
花滿懸岩處處幽
縮秀石門堪入画
此身疑向洞天遊

又

攬勝無如此勝遊華公廟貌足千秋
麟峒已訝峰巒峻委折還驚洞壑幽
百級登臨通絕頂斷橋飛度轉危樓
晨鐘一發雲烟合疑有神龍聽祝由

巢溪春漲

喬瑞圖

洗耳芳踪尚有溪白蘋汎汎草萋萋
遊魚自躍桃花浪好鳥爭鳴綠柳堤
指點殘碑憶舊史徘徊初月印新泥
胸中多少浮沉事悵望高風一破迷

汾流晚渡

寒城郭外古汾川客立夕陽呼渡船
孤鷺數聲鳴早月輕帆一片掛蒼烟
蕭堤花柳微茫出巢父村墟隱約懸
臨泊莫嫌歸路晚笑尋前渚酒家眠

飛虹雨霽

跨澗長筵果似虹高拖天半倚晴空
曉來孤峙奔雲外雨後雙懸落照中
歷落星辰五尺近往來秦晉一橋通
行人不識神工巧笑指清波卧蠅螭

三嶺雲峰

峩峩三嶺揮雲端來往行人天際看
晚接夕暉藏峻嶺朝含爽氣籠層巒
禪房寂歷松枝老澗道幽深虎豹殘
覓得許公濟勝具煙霞處處任吾餐

和趙明府喜雨韻

張泰來

飛鳥歸來魏豹城隨車甘澍一時傾
黍苗沾澤千畦潤汾水添波兩岸平
不向漁郎催急渡先呼野老課深耕
村村傳說龍師至童叟歡迎社鼓鳴

襄陵道中

劉 蔡 郡守

攬轡城南沙路遙
看花芳圃不須招
風流猶愧東坡老
尚與漁人爭渡橋
十里桑田信馬蹄
軟風遲日綠楊西
流鶯似愛春光好
飛向桃花枝上啼

晉橋梅月

四首
七言絕

王 梅

吞吐仙風溪水寒
梅魂月影此中看
道人指出人方識
何必曾留玉洞丹
三年酒債淡相安
賓主遭逢古所難
瀟灑似梅清似月
襟期画出與人看
詩人仙客亦何分
高談朗朗噴明月
隱有梅花香可聞
仙踪隱隱繫愁思
誰憶仙踪未有時
道士三年豪飲興
溪山曾不異今茲

雨後勸農

趙懋本

甘霖霑足遍郊原
露冕巡行日未暄
舉趾有人耘綠野
晚犁無地不烏犍
傾觴痛飲沿村醉
饁食摩肩繞路諠
從此盈寧先得兆
咸歌豐稔迓迴轅

者續之且於前之缺者補之冗者芟之信則傳而疑則闕之剝蝕者完魯魚者辨之余繕披再四竊自勗尤自懼也懔

聖天子採風問謠不遺僻壤襄雖彈丸地星垣分麗水界山屏有民人有社稷在

聖天子函蓋下開卷而閱輿圖將若何固疆域若何瞻戶口若何厚風俗建置有志一石一木悉民力之拮据學校有志一器一物悉士類之觀瞻貢賦有志一粟一絲悉仰供

國儲而下山自耕織之勤勞長邑者爲民力休恤若何爲士類振興若何爲

朝廷急徵輸復爲婦子寧井灶又若何昔官茲土者或以廉惠稱或以嚴明著不則僅臚爵里等於泯泯無聞噫嘻水者物之鑑古者今之鑑示余宜法宜戒者其在官師一志矣至邑內人物純忠篤孝允足表彰片善微長俱應闡發旁及技藝之流與夫詩文疏記堪傳者一焉未備闕畧貽譏司風教者又若何是皆余之責也余敢不自勗敢不自懼哉今幸矣校讐諸子

抽思展帑克慎克詳余得藉手報
憲命告無罪矣舉成帙上之郡上之省彙而上之
神京知薇署蘭臺必有握青錢管者俯拾隻字勒之金
版則下邑野乘亦以佐

聖天子同文盛治也敬據委陋弁之簡端

康熙癸丑初夏文林郎知襄陵縣事建寧謝國傑序

又序

余曩署鐸堯山每詣郡城晤襄邑二三良友道其山川
人物輒心嚮往之歲乙己以改補承乏此地尋見澄巖
琴嶼碧洞丹壑一時同人翕聚魚魚雅雅竊意余於此
蓋有夙緣目之所觀魚異疇昔之所聞也遂明年福寧
謝公琴鶴西來剖符司牧甫下車政平民悅迺於晉接
之餘顧余而言曰風俗之轉移在人情人情之作新在
長吏前之所爲後人之師今之所行他日之鑑撫時紀
事海守土者之不可緩也茲奉功令允廷臣請脩葺詳

志以成大一統之模適獲我公素心遂屬余不佞共仙
洲崔子洎諸子衿輩杜扇校讐且語以愛惜珍重之意
余受事中心怍怍既竣敢隨言末簡披囊志脩自隆慶
紀元迄今百有餘禩遷之又久未獲續者蓋言慎也
夫溯河源而望斗杓趨身嶺而徂指寧州邑之有志其
亦巡方問俗之杓車乎披圖而稽如是垣岳賣城郭建
置以暨賦稅戶口諸條例固皆班班可攷而總不外夫
宦遊之名彥與鄉居之儒儒以爲振興之要故論名宦
則記其筮仕詳其奏布有法律與詩書並用風霜霜雨

露兼施判如山而不動閃似水以常清者若而人論
賢則綜其家世仰其流風有瑞林玉樹之姿干將莫邪
之幹弓裘克紹崇棟競芳者若而人遞至羽校燭日旂
旗流星之儔寔所以壯國威白雲同悠青松共爽之侶
亦足以標高蹈逮夫孝格天地節映冰霜非不戛戛乎
難之然一念之誠在所必錄皆搦管者所不敢忽也由
是旣存其人復採其言念此言爲心聲文爲國華當其
昭肝胆於日星吐珠璣於楮墨無論爲出師爲陳情爲
弔古寄懷皆有至性行乎其間古今人豈甚相遠哉且

諷吟一道上叶國風詩以山川爲境山川亦以詩爲境
名山遇賦客何異士遇知己一經品題情貌宛然所以
馳熊軾於谷陽歌驪駒於祖道非嚶鳴之誼卽芙蓉之
蔭也其疇得而棄之余因是更有思焉雖天下州有九
岳有五旁而至於大荒無垠之鄉謝靈運李太白諸公
所未登躡題咏處皆可從我公愛惜珍重之一念通之
有不難隱几而燎若指掌者太史公所云登龍門探禹
穴便有江山萬里之勢良以此也則今日之舉不大愉
快也哉至我公雉馴郊田鸞棲庭樹徽政不可更僕自

當著聲卓異輝映簡編余且拙自而敬竢之

康熙癸丑襄陵縣儒學教諭雲中劉宏緒序

又序

古史中紀傳子長爲優編年君實爲最兩司馬氏皆河
東人也繼有作者無能彷彿何今古人相去遠甚余小
子謏陋未獲讀石渠天祿之書間嘗披覽簡冊曠世興
慕亦竊以魚媿古人自期許茲值邑侯謝父師奉憲檄
重脩邑志謬以編纂見屬余共諸文學健局受事相矢
冰兢思此一邑之乘將資史館採擇而且傳信後世何

敢輕易濡筆取舊志再四繙閱乃知境內事例咸宜詳核而尤難尤值者莫逾於追論昔之官師人物諸如輿圖貢賦及建置藝文可按圖稽按籍攷偶有未備罪止踈畧耳若十百年以前之人由十百年以後論之論其入之心而論人者之心見焉論其人之品而論人者之品關焉一字溢美則得罪於名教一言掩善則得罪於鬼神我得取前人筆之曰某也忠某也廉某也孝義某也節烈後之人又得取是志而指之曰其論某也直其論某也曲其論某也公其論某也私其論某也是其論某也非噫嘻此何許事顧敢輕具濡筆乎用是博詢行實詳加品隲一字一言務協公論聽鷄鳴而攬衣剪燭花於午夜歷月者再始覽藁成集于舊志仍者半裁繁辨訛者半自隆慶迄今茲則分例續補其染毫灑墨類出文學諸君子訂正于庠師鑒定于邑侯余小子廁身其間折衷寡當極深汗媿於才於學於識無一有焉若僭若濫若亂庶幾免乎以是上之史館或俯覽而節錄之則燃藜火搦彤管自有子長君實其人者

邑人崔瀛序

人謂志爲紀事之書不可不作也夫固不可以無作亦不可以徒作以其足以紀一邑之山川之疆域之職貢人文之類耶此固不容於不作矣然其灼去取別詳畧等輕重而得夫體要焉者是豈可徒作矣乎襄陵故志手藁十數葉不知昉於何時而作於何人中間該載者纔城郭官寺田賦之數事耳且多脫落闕典曠時似有待而然也廼於視事之讌謀及儒學師生相與肆考古

經誌也質諸故米士夫見聞間附己意

黽勉從事越三月而告成爰分二十九卷用鈔諸梓俾

游覽者一展閱間有以知夫斯土風俗之美人物之雅

貨殖之豐與凡襄之所有無不居然於目則是編之作

於是邑似有毫髮之補矣第念萬卷非鄴侯秘書非世

南兼之桑田滄海事蹟漉漫一時之考究容有未精去

取容有未當詳畧容有未審輕重容有未倫掛一漏百

殆未免夫徒作之誚也雖然測海飲河憑依分願姑書

此以俟後之博雅者續教焉

成化丙午春賜進士第知襄陵事故城李咨序

舊序

成化壬寅春進士故城李侯來補襄陵令再明年政通
廢舉乃有事於縣志而睿及邑之士范晟者幸在考校
列書既成謂睿宜序其後睿聞物之顯也有時而事之
成也有數是志之作雖曰人力之所爲若無預於時與
數者然其間或愛惡之不齊或事勢之相戾似亦不能
不有待於時與數焉不然則平陽屬地爲州者五爲縣
者廿有四襄陵風土文物甲他處何其宜顯而久不顯
也然則是志之所作將謂爲令者無人耶則前此者華

亭薛侯德良歷城張侯用和皆以文章政事名雖嘗無
意於斯然終以弗久其任不果將謂世經多故耶則吾
侯自下車來游值凶年政務繁劇他之爲守若令者竭
心力以拯一時之危且不暇前此之年未聞有如是之
急者而吾侯是志竟成於此用是觀之則睿所謂必有
待於時與數者果直也耶雖然天下事待乎人爲者什
九待乎時數者什一吾侯是志之成雖不能不有待於
時數亦豈必有待於時數也哉

成化二十二年襄陵縣儒學教諭金臺索睿序

續志序

郡邑有志猶列國有史所以彰往昭來貴實錄也襄邑舊志自成化丙午漳南李公纂述成帙今幾百年未經詮次其間政治之興革城郭之增遷物產之豐耗按圖考跡名實相戾究其大雖各宦鄉賢接踵而興咸未登記識者憫之嘉靖乙丑敬齋宋公來宰是邑識達天人學窮今古朞月而化行再踰歲適今上嗣位百廢俱舉庶政維新公覽邑志之未備竊有憂焉廼命余偕分教薛君周君鄉先生趙君及諸弟子員萃一館舍欲以博

求聞見檢蒐故實沿舊增新纂茲曠典余等承命兢兢求惕罔不昕夕咨度參互考訂祇服匪懈務求確當甫踰旬而一邑之事跡頗具集錄呈公公卽指示綱領剖析類例正是非之分定取舍之極酌衆論而出直見於是缺者增纂者刪訛者易首紀地理繼緝學校而食貨秩官次之人物藝文又次之展卷披閱星列川流綽有要歸視昔李公纂述之功倍有光焉梓旣成屬余序諸首簡余幸際盛遇故不敢以不敏辭題作而言曰君子之作志也貴詳而倫而其取人也貴確而精今觀我公

是編之裁正雖地域庶類之槩載而于名宦鄉賢之獨
慎無乃表古以範今章軌而示趨與使後之官于斯生
于斯者或志存經濟而跡邁廟脩或身任綱常而踪追
徃古寧非有感於今日之綜核賢哲而興起矣乎世有
作者則世受其賜我公斯志之脩其有裨於風教大矣
若曰勒方域之宏圖揭今昔之勝概廣聞見而無益於
斯人殊非我公纂述之本意故書之以俟同志

隆慶二年孟秋吉旦襄陵儒學教諭白水呂調元序

舊跋

禮列國有史所以闡章程昭物采表儀文明軌範也
今之郡邑古之列國也寧無記載者乎故志作焉在天
下有一統志在省藩有通志在郡邑各有志且志之作
才非雋末學非淵宏識非精鑑者不足以語此吾襄之
志作於憲廟御極之丙午迄今八十載餘世遠蹟湮闕
漏未備者班班也吾侯敬齋翁抱唐虞之大道貫天人
之實學德操孔孟才媿伊周應宿持檄尹茲蕞邑不期
年而政成化洽乃注意典籍因觀舊志而嘆曰志有未

備則政教無稽文獻何徵殆史家之闕典也嗚乎可於
是詢茲庠彥之博識者若王生騰輩八士指示條目教
詔方畧真良史之家法也又命余總裁其事顧余謏薄
固陋愧乏班馬之識徒慙管蠡之窺自量無補辭命弗
獲遂借諸彥補塞殘缺月維及期乃編成帙事以實書
詞不華飾是是非非鬼神可鑒而百年之公論炳若日
星俾後之觀者指曰某宦業之盛某節義之高某儒術
之深風俗之轉移政治之隆替必有感發而興起者焉
然事跡之始末固有大觀者以揄揚之矣茲不復贅他

若學校之增脩學田之創置均徭之公審催征之良法
接遞御民馬以紓力役之困城池包磚石以固封疆之
防大而綱紀之振肅小而條目之森嚴遺愛多端口碑
滿路固在觀風者采焉以爲明天子獻行將明揚褒表
不次顯陟殆非余楮之所能悉也侯諱之韓裔出古鄆
之武安世宦華胄也登乙丑進士敬齋其別號云
隆慶戊辰邑人趙景祿跋
成化丙午脩志姓氏

知縣李 咨

邑人

范 晟

隆慶戊辰脩志姓氏

知縣宋之韓

邑人趙景祿

王騰

吳崑

李薦

高魯

趙夢弼

杜繼

崔景

吳崑

康熙癸丑修志姓氏

知縣謝國傑

邑人崔瀛

喬運閔

王升秀

趙鴻漸

崔開塘

張鳳儷

張鈺

仝

跋

襄陵志修於

國朝癸丑迄今甲歷一週矣兩值大

稜一丁地震凡規制之因革損益

人物之芳躅懿蹟其當徵信而傳

後者甚夥前歷任邑侯咸有志焉

而未逮也今我邑侯趙公以製

錦宏材蒞茲彈丸二載以來政通
人和百廢具舉乃集邑之諸人士
採輯纂修以揚我

朝同文之治以成一邑文獻之典甚
盛事也余小子謏陋何能謬與編
摩之列願拜手而展諸簡末焉曰
天下事不患其

者亦易亦不慮其弗成定心任事
則其成尤速夫事有似緩而寔急
似廷而定切于治者邑志是矣昔
蕭何入關先取圖書班史志地里
兼及民俗邑之有志所以營治忽
而備省鑒者也一邑之中天星地
紀戶口風俗人物文章无不備具

鑒于星象可以察妖祥之兆鑒于
地紀可以辨三壤之宜鑒于戶口
田賦可以驗盛衰而觀得失鑒于
人物而忠孝節義之行可師也鑒
于風俗而好樂无荒之咏如昨也
鑒于人文而春華秋寔之藻可采
也志之宜隨時纂修也要矣雖然

志文事也承平則修明隆侈則廢
閣且即當人道化成物阜民安之
日而因循者或視爲迂濶而不切
于時務也况志以翼史非三長兼
優與心切民瘼者未易信今而傳
後大有補于風教也我侯斯志
簡而无漏詳而有要制則典也

而不俚贍而不穢文則雅也是非
不謬名教攸關體則嚴也至弁言
簡端尤惓惓于民風土俗而于官
師三致意焉 侯之心切于吾邑
之民爲何如耶其所以子惠吾邑
者夫寧有艾耶余小子欣逢斯盛
珥筆其間惟從諸同人采訪而編

次之若夫筆削之精論定之嚴攷
核之確則一出我 侯巨手復何
能贅一詞但仰体我 侯捐俸命
梓殫精点定之誠咸焚膏繼晷以
從事是以數月而梨束以畢余樂
觀厥成不覺慨然興嘆曰志之裨
于吾邑也大且永哉獨是向之蒞

任諸公或籌及焉而弗果或將有事焉而輒阻而我侯曰舉詳審精密豈斯文之繼固必待其人耶抑寔心任事弗辭艱鉅故天下事皆无難成者耶余盖極爲我侯贊而深爲吾邑幸也

邑舉人張

卯謹跋



